



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Catholisch Pfarbuch Oder Form vnd Weise/ wie die  
Catholischen Seelsorger (jetziger hochgefährlicher zeit)  
jre Krancken eingepfarrten ohne vnderscheidt besuchen  
... sollen**

**Leisentritt, Johann**

**Cölln, 1590**

**VD16 L 1067**

54. Von dem geweihten brennenden licht/ warumb es dem sterbe[n]den  
hinziehnden menschen/ in die hand soll gegeben werden/ vnd was es vor  
ein bedeutung hat.

**urn:nbn:de:hbz:466:1-39235**

Wann man siehet / das keine Hoffnung  
des leben bey dem Krancken / sondern das er nun  
soll beginnen vnd anfangen zu sterben / in den letzten  
zügen ligend / so lasse der Priester oder sonst jemand  
im geben vnd gereichen / ein geweihtes brennendes  
licht / welches er nemen / vnd in die handt des ster-  
benden menschen reichen vnd geben soll / vnd lasse  
sich nichts irren / was vor vnütziges reden die je-  
higen newe Maulchristen hieruon treiben / vnd sol-  
che Ceremonien (nach Ketzerischer arth) vnbillich  
verachten / Vnd thu der Priester oder sonst jemand  
zu dem sterbenden vnd herumstehenden Men-  
schen / dise folgende kurze rede / oder er-  
innerung des brennenden  
Lichts.

Matth. 5.  
Ioan. 3. 8.  
Rom. 13.  
Eph. 5.  
Dem ster-  
benden soll  
ein geweiht  
es brennend  
Licht in  
die hand ge-  
ben werde.  
Was das  
brennende  
Licht be-  
deutet.

**L**eben Christen es ist von nöthen zu wissen / das im eingang  
vnserer heiligen wahren Christlichen glaubens / der Mensch  
sey mit brennenden Licht des ewigen Lichts vnterwisen wor-  
den / Also soll vnd muß ehr im aufgan / das ist / wann der Mensch auß  
dieser sündlichen Welt gehet vnd stirbet / desselben wiederumb erinnert  
werden / Darumb gebe ich diesem Krancken sterbenden Menschen /  
wie ihr hie sehet / diß brennend licht in seine handt / Welches du lieber  
freund hinneimen wollest / vnd dadurch dich / vnd wir alle vns sollen  
vnd wollen erinnern des ewigen Lichts / so in dieser Welt erschienen ist /  
Nemlich / Jesus Christus vnser einziger Heiland vnd seligmacher /  
welcher ist das ware vnd ewige licht / durch welches die welt erleuchtet /  
durch seine hochheilige Menschwerdung / vnd auß der erschrecklichen  
finsternissen zum rechten lichte (das er selbst ist) gebracht hat / Gott der  
A 11-



Allmechtige wolle dich vnd vnns alle/so im Namen Christi getaufft  
wenden/nach diesem zeitlichen lichte vnd leben/verleihen vnd geben das  
ewige brennend lichte / vnd vns also behüten vor aller finsternuß / auch  
diese deine Seele / zu dem ewigen lichte vnd klarheit einfuren/ vnd mit  
allen Christ glaubigen Auserweltsen Gottes dir geben vnd verleihen  
die ewige ruhe vnd freude/in ewigkeit/AMEN/

Ioan. 2. 3. 8  
Eph. 5.  
1. Timo. 6.  
1. Thess. 5.  
Acto. 9.  
2. Cor. 4.  
Das lichte  
vertreibe  
die Finsternuß.

Mercke.

Von Begräbnuß vnd Ceremonien  
alten wahren Christen.

**W**An nun der Mensch in Gott Christlichen verscheiden ist/ soll  
vnd muß ehr auch als ein Catholischer Christlicher Mensch/  
Erbarlich vnd Christlich zu der erden bestadret vnd begrä-  
ben werdē/ vnd soll der Catholische Christ/die jetzige Schwer-  
mer/vermeinte Euangelische Weissterklüger/ Seelmörderische Aufstrü-  
rer/vnd verächter aller Gottseligen wercken/sich nichts anfechten/vil  
weniger von diesem guten vorhaben / sich abschrecken lassen/ dann die  
lebendigen (nach dem spruch Christi) die lebenden/vnnd die todten/ die  
todten.

Ein Catho-  
lischer soll  
auch Catho-  
lisch begrä-  
ben werdē.  
Luc. 9.

Wie vnnd welcher gestalt aber / man bey vnsern lieben Vhralten  
Großvätern vnd vorfahrn/ in vnnd bey dem begräbnuß mit der Leich-  
vmbgangen/dazu brennende liechter gebraucht/Psalteret/vnd gebet-  
tet/düre Kreuter vnd geweiht wasser (welche alle ihre deutung haben)  
gebraucht/auch andere löbliche Ceremonien vollendet / neben andern  
Catholischen Scribenten/mag einer lesen/ Ioannem Damascenum in 1.  
quaest. de sanctis. Ex Athan. Dionys. Chrysof. Nyssenum. Dann es ein nutz  
vnd Gott sehr ahngenehm ding ist (sprechen sie) Das die jenigen so im  
rechten Christlichen glauben verstorben/ein gedechnuß gehalten wirt/  
durch die Götlichen vnd volle liechter/geweihter Personen oder Prie-  
sterschafft/hienon lese weiter Epiph. Cyp lib. Aduersus Hereses. Et Chrysof.  
lib. 8. de sacerdos. vnd in vnserm Teutschen Gesangbuch/Cap. In to-  
des nöthen. Ach Gott / wie muß es dieselbe zeit gar gut / Ja vil besser/  
andechtiger vnd Gottseliger gewesen sein/sich zum sterben zubereiten/  
vnd gefast zu machen/dan jek vnder vnnd bey disen vnchristlichen/ Ich  
darff nicht sagen / gottlosen Sacramentirischen Elemasitern vñ Ke-  
kern. Gott sey vns lebendigen vnd allen verstorbenen Christglaubigen  
Seelen/gnedig vnd barmherzig/AMEN.

Der Altan  
Ceremonie  
bey den Be-  
gräbnissen.  
Ioan. Da-  
mascen.  
Athanaf.  
Dionys.  
Chrysof.